



DINAMIK(TT)AK'07 *CREATIVITY WORK CAMP*

Gazte ipurtarina al zara? Gogotsua? Irudimen handikoa? Uda honetan esperientzia desberdin bat bizitzeko prest al zaude? **DINAMIK(TT)AK'07** zuretzat pentsatua dago. Artelekun egingo den nazioarteko auzolandegian parte hartzeko 10 plaza. Anima zaitez eta eskatu zeurea!

DINAMIK(TT)AK'07 iritsi da. Opor desberdinak bizitzeko gogoia duzuen gazte ipurtarin eta gogotsuei zuzendutako nazioarteko auzolandegia.

Auzolandegia **Artelekun (Gipuzkoako Foru Aldundiaren menpe dagoen Arte eta Pentsamendu Garaikideko Gunea, Donostia, Espainia)** izango da **2007ko uztailaren 16tik 27ra**. Auzolandegi honetan, sormenezko ikasketak (arteak, moda, diseinua, animazioa, zinea...) egiteko interesa duten **batxilergoko azken ikasturteko 10 ikaslek** hartuko dute parte. Auzolandegi hauen helburua da, irudikapen plastikoaz haratago, gazteek irudimena gizartean jokabide tresna gisa uler dezatela.

DINAMIK(TT)AK'07, IA 18 kultura-egitasmoaren barnean kokatzen da (www.ia18.net). Egitasmo honetan gazte jendeari ematen zaio hitza, hiritar aktibo gisa, bizi diren lekuaren definizioa osa dezaten: haien iruditegia, balioak, interesak, kezkak etab.

1. Zer egingo dugu...

DINAMIK(TT)AK'07-en helburua jardun artistikoaren izaera aktibo, parte hartzaile eta gizarte eraldatzailea bultzatzea da. Zuen interes eta nahiei jarraituz, lan honetan buru belarri sar zaitezten nahi dugu eta horretarako, beharrezko izango dituzuen bitarteko guztiak eskura jarriko dizkizuegu.

Auzolandegian, 12 egunetan zehar, talde-lana, tailerrak, txangoak, eztabaidak, pelikulak, kontzertuak etab. tartekatuko ditugu eta artista desberdinen lana ezagutuko dugu haiekin batera lan eginez.

Era berean, teknologia berriak (bideo-argazki digitala, internet, weblogak, moblogak, fotologak) eta izaera plastikoagoa duten ekintzak ere nahastean landuko ditugu (performance-ak, moda, diseinua, serigrafia, marrazkia).

Gazte ipurtarin, gogotsu eta sortzailea bazara, bidali zure eskaria eta esperientzia errepikaezin honetan parte hartzeko aukera izango duzu.

2. Deialdiaren oinarriak

DINAMIK(TT)AK'07 batxilergoa bukatu duten ikasleei zuzendua dago. Auzolandegi honetan parte hartu ahal izateko, 17 eta 19 urte bitarteko gaztea behar duzu izan (18-19 Espainia kanpotik baldin bazatoz).

Parte-hartzaileek **72€** ordaindu beharko dituzte. Kuota horretan udalekuetan parte hartzeko **gastu guztiak sartzen dira** (ostatua, jana, materiala, txangoak etab.), **Artelekuraino** egin beharreko joan-etorria izan ezik.

DINAMIK(TT)AK'07-en parte hartu nahi izanez gero, bidali hurrengo dokumentazioa ekainak15a baino lehen:

- Norberaren aurkezpenarako **bideo digitala** (gehienez **3 minutukoa**) auzolandegian parte hartzeko zergatiak edo motibazioak aurkeztuko dituen (honako euskarri hauek onartzen ditugu: **mpeg, avi, mp4, 3gp, mov, asf, swf**).
- Norberaren interes eta kezken berri emango duen **zuen lanen txosten digitala** (argazkiak, bideoak, testuak, marrazkiak, pintura, serigrafia, animazioa, musika...). Euskarriak: **doc, pdf, rtf, txt**.
- Eskaera orria behar bezala beteta.
- Auzolandegi hau nazioartekoa da, beraz, **ingelesez erraztasunez hitz egiteko gai izan beharko duzu.**

Ez da beharrezkoa **DINAMIK(TT)AK'07** egitasmoan parte hartzeko, baina trebeak, parte hartzaileak, sormen handikoak edo bideo-edizioan eta ordenagailuen erabileran iaioak izatea (hau ez da inondik ere nahitaezkoa izango) kontuan hartuko da eta baita, talde-lana atsegin izatea, ondo pasatzeko grina izatea eta mundu osoko jendea ezagutzeko gogoia izatea ere.

Parte-hartzaileek egonaldi osoa (uztailaren 16tik 27ra biak barne) Artelekun pasatzeko konpromisoa eta proposatutako ekintza guztietan **modu eraginkor batez parte hartzeko konpromisoa** hartuko dute.

Partehartzaileen aukeraketa eskaerak ailegatzen diren ordenean egingo da, lehenengo hamarrek zuzenean parte hartuko dute eta gainontzekoak ordezkoen zerrendetara pasako dira. **Ekainaren 15ean lehenengo deialdiaren epea amaitzen da**, baina beste deialdi bat egongo da postuak betetzen ez badira. **Ez kikildu eta zuen eskaria bidali!**

Badakigu zail xamarra dirudiela, baina **dokumentazioa posta arruntaz bidaltzea** eskatuko dizuegu, merezi duen esfortzu txiki bat baino ez da izango. **Ekainaren 15a baino lehen** eta helbide honetara:

DINAMIK(TT)AK'07

Arteleku

Kristobaldegi 14 (Loiola). 20014 Donostia

Bideo eta txosten digitalak FTP honetan zintzilika ditzakezue:

FTP: <ftp://casitengo18.com>
Usuario: **dinamik_tt_ak**
Contraseña: **dinamik_tt_ak**

Informazio gehiago nahi izanez gero:

info@dinamikttak.com
(00) 34 944 158 861

3. Izen-emate orria

Bidaliezaguzu mail bat zure lekua eskatzeko. Guk lortuko dizugu eskaera-orria eta zure eskaera eta kuotaren ordainketa kudeatzeaz arduratuko gara. Nahi baduzu telefonoz ere gurekin harremanetan jar zaitezke.

info@dinamikttak.com
(00) 34 944 158 861

4. Informazio gehigarria

Beharrezko ekipoa

- Lozakua edo oheko arropa
- Arropa eta zapata erosoak 12 egunetarako
- Lan egiteko arropa (kamiseta zaharrak edo antzekoak)
- Bainujantzia eta toalla
- Parte-hartzaileek euren bideo eta argazki kamerak ekarri nahi izanez gero, haien ardurapean izango da.

Auzolandegiaren kokapena eta ostatua

Non dago?

Arteleku Donostiako Loiola auzoan dago (erdialdetik 2 km-tara gutxi gorabehera).

<http://www.arteleku.net>

Nola iritsi?

-Autobusez:

- 26 linea Mutualidades-Martutene
- A1 linea Donostia-Hernani
- 27 linea Altza-Intxaurren-Antiguo

-Trenez:

RENFE aldirikoa (Irun-Brinkola)

-Autoz:

Pio XII plazara iritsi eta Loiola-Hernani norabidea hartu.

Ostatua: Artelekun bertan izango da, horretarako egokitutako eremuak baititu. Lo egiteko koltxonetak jarriko ditugu dantza-areto batean (beharrezkoa lozakua edo oheko arropa).

Gosaria zein afaria Artelekuko sukaldean egingo dira eta bazkaria Artelekutik hurbil dagoen jatetxe batean izango da (edo beste nonbait, eguneko ekintzek eskatutakoaren arabera).

Auzolandegia hastea

Artelekun, uztailaren 16an eta goizeko 11:00etan parte-hartzaileei harrera egingo zaie.

Auzolandegia uztailaren 27an (ostirala) arratsaldeko 18:00etan bukatuko da.

Parte-hartzaileek 12 egunetan auzolandegian egoteko eta ekintzetan parte hartzeko konpromisoa hartuko dute.

Asegurua

Gazte bakoitzak istripu eta erantzunkizun zibilaren asegurua izango du. Hala ere, gazteak gaixotasun edo minusbalotasunen bat izanez gero, antolatzaileei esatea eskertuko da eta honela, gazteak behar dituen estaldura guztiak sartuko dira aseguruan.

Gazte bakoitzak bere osasun-txartela ekarri beharko du auzolandegira.

Adin txikikoek haien gurasoen edo tutoreen idatzizko baimena beharko dute parte hartu ahal izateko.

5. Nork egiten dugu *DINAMIK(TT)AK'07*?

DINAMIK(TT)AK'07, AMASTÉ eta synmarc-ek *IA 18* egitasmoaren barruan egindako proposamena da. Laguntzaileak: Eusko Jaurlaritzako Kultur Saila eta Arteleku.

- **AMASTÉ** (www.amaste.com) ez ohizko komunikazio moduetan (below the line, gerrilla marketina, marketin birala...) eta bitartekaritza soziokulturalera zein berrikuntza prozesuetara zuzendutako sormenean espezializatutako agentzia bat da.
- **synmarc** gizarte zibilaren parte-hartzea eta interaktibitatea oinarri duten proiektuen bidez, kultura aniztasuna sustatzen duen elkarte bat da.
- **IA 18** (www.ia18.net) kultura-ekintza egitasmo bat da. Hainbat proposamenen bidez, nerabeak eskubide osoko hiritar legez, inguruan duten munduaren definizioan parte hartzera gonbidatzen ditu: haien iruditegia, balioak, interesak, kezkak etab.

6. Info+

Txelu Balboa / txelube@amaste.com / 00 (34) 656 737 445

AMASTÉ Comunicación S.L.

Aretxaga, 10
48003 Bilbao
00 (34) 944 158 861
www.amaste.com